

دائرة مخصوصه

درسعادتده باب عالی جوارنده

محل اداره:

# مشرط القلم

اخطار:

مسلكمنزه موافق آثار جديده مع المنوئيه  
قبول اور انور

دوح ايدهنن آثار اعاده اور انور

ديره، فلسفه، علوم، حقوق، ادبياتده و سياسياتده وبالخاصه كرك سياسى و كرك اجتماعى و مدنى احوال و شئونه اسلاميه ديه بحث ايدر و هفته ده بر نشر انور.

آبونه بدلى

صاحب و مؤسسلى:

ابوالعلا زين العابدين - ح. اشرف اديب

سنه لكى التى آيلنى

|                   |       |     |     |       |
|-------------------|-------|-----|-----|-------|
| ممالك عثمانيه     | ايچون | ۸۰  | ۴۰  | غروش  |
| روسيه             | »     | ۶۰۰ | ۳۰۰ | روبله |
| ساثر ممالك اجنييه | »     | ۱۷  | ۹   | فرانق |

تاريخ تأسيسى

۱۰ تموز ۳۲۴

قبرله دن مقوا بورو ايله كوندريليسره سنوى

۲۰ غروش فضله آلنير

عدد: ۷۲

۸ محرم ۳۲۸ پنجشنبه ۷ كانون ثانى ۳۲۵

اوچنچى جلد

تور کباده یاشایان عناصر مختلفه آره سنده تربیه فکریه جه هر کون عمق تزايد ایدن بوبوشلق دوام ایتدیکه ائتلاف و مساواتک ناصل تأسس ایده چکنه بر درلو عظم ارمیور . بوفرقی آکلامق ایچون الک کوچوک ، هجرا برکوشه ده کی مختلف عنصرلره منسوب مکاتبی کزیمک و کورمک کافیدر . اسلاملر و تورکلر جهالترینده نه قدر مصر ایسه ارخرستیان وطنداشلر چالشمقده ، بالخاصه . استقبالی ایچون چوجوقلرینی حاضر لامقده او قدر معند . بوراده مملکتک آتیشنده علاقهدار اولانلری جدأ اندیشه لره دوشوره چک بر تهلمک اجتماعیه باشلایور . مثلاً یارین اردو بوتون اولاد وطندن ترکب ایده چک ، طبیعی حقوقاً مساوات وظیفه مساواتی تولید ایلده چکدر ، بیلیم عجباً او وقت قارشیشنده بولونه جغمن امر واقع نزی ایقاپ ایده بیله چکمی ؟ امین اوله لم که آرتین ، یورکی اردویه تربیه ابتدائیه بی ، اوافق تفک تعلیملری او کرشمش اولدقلری حالد کله چکدر . حالبوکه محمد بونلری او کرشمک ، آکلایه بیلیمک ایچون اوچ بش ایلقی بر زمانه محتاجدر . بناء علیه ده اقیشله کیرکن یورکی ایلله محمد آره سنده بش آی وار دیمکدر .

بوتفاوت یالکر حیات عسکریه به منحصر دکلدر . بالعموم وظایفده بوتلمک وارددر . بوکا قارشی کمال تأثرله اعتراف ایدرم که طشرده هیچ برشی یابیلدینی یوقدر . بالعکس هر پرده بر تذبذب ، عدم امنیت دوام ایدوب کیدیور . بو کیدیشه طلمز نه اوله حق ؟ کندی کندمزی آلتامق ، مدعش حقیقتلری یالیزلی خولیلار مزله مزج ایتک خسته لغندن خلاقور توله میورزد . مملکتیزی ، احوال اجتماعیه مزری او کرشمکده ، طانیلمقده اصرار ایدیورز . غالباً تهلمکلری دوشونه میورز .

بواسباب حقیقه ایجه تأمل ایدیلره عناصر مختلفه آره سنده کی آهنگ ائتلاف و امتزاجک آنجق سویه فکریه ده مساوات تأسس ایتدیک کوندن اعتباراً باشلایه جنی نظاهر ایدر . بناء علیه حکومت ائتلاف عناصر مسئله حیاتیه سی ایچون نه قدر صرف مساعی ایتسه بنجه عقیم قاله چقدر . آنجق معارفه ، مکتبلره ایدیلر چک همتلر مملکتی ، وطنی تخلص ایده بیلیر . والا . . .

### هندستان مکتوبلری

بکر منجی عصرده انگلیز مدنی

ترهن حیدر آباده یقین کلیور ، بر ایستاسیونده حیدر آباد پولیسلری واغونه او توردیلر ، هر کسک اسملری و نزمیه اینه چکلری یازدیلر . بزه ده صور دیلر و یازدیلر ، بزم آرقداش بکدن هیچ برشیلر صور مدیلر . ترهن حیدر آباده کلدی ، بنده جانطمی الیه آلدیم چقیدم . ایستاسیوندن دوغری دو قور طالب افندی نک خانه سینه کیتدم . طالب افندی اصل عثمانلی تبعه سندن و آناتولی کوردلرندن ، اسکی بر حکیم خاذق ایمش . بومایدن آلدیمز توصیه ایلله کندیلرینه مسافر اولدق

اولنان برقرار کری آلمسی ضمننده مسلمانلره بر عر فحال امضالامسی توصیه اولنیوردی . بو عر فحال پترسبورغه کوندریلوب نظارتک قراری کری آلمشدر . لکن کتابی نشر ایدنلر « اتحاد اسلام » فکری نشر ایتکله تحت محاکمه به آله رق کتابی نشر ایدنلرک هر بری بر آیلق قلعه بندلک جزاسیله محکوم ایدلمشدر .

### اناتولی مسلمانلری

طنیک اناتولی مخبری سیوری حصاردن یازیور :

مسلمان مکتب رشیدی سی یتش یاشندن آشانی اولیان ، اوتوز بش قرق سنه در معلمک ایتدیککی سویله یین ، لاقر دیسی سزه دو یوره بیلیمک ایچون آغزینی قولاغکره یتیشدیرن بر معلم اول ایلله مختل الشهور ، مریض الدماغ رفیقنک تحت اداره سنده در . اختیار معلم طبابتدن ، کیمیادن ، حکمتدن هر شیدن بحث ایدیور . مکتبلرک وظیفه سی حکومت مأموریتشدیرمک اولدیغندن صرف بوکالیشیلیمنی ، مکتبتدن مثلاً بر مال مدیری ، نفوس مأموری چیقارلمنی سویلیور . برچوق شیلر سویلیور . فقط خسته لغنی ، اختیار لغنی حسیله اوندن آنجق ایده برایکی دفعه حقیقه بیلدیککی ، وظیفه سی ایفادن آرتق عاجز بولوندیغنی ، هر آی آلدینی معاشک کندیسنه حرام اولدیغنی تسلیم ایتور . بورایه هیچ یاناشه میور .

چوجوقلر ایچرده اوینامقله ، ایتشمکله مشغول ، بر کورولتودر کیدیور . بوراده نظافت ، طهارت ، حفظ الصحه به رعایت کبی شیلر یوقدر .

بونک یاننده کی ابتدائی مکتبی ده بویله ، یوزدن فضله کوچوک طلبه سی اولان بومکتبه کیریلرکن . بوتون دیگر لرنده اولدینی کبی بیس و متعفن بر هوا بورنکزی دوله وریور .

دیگر طرفده ، ینه بوسیوری حصارده ، ارمنی مکتبلرینه کیدرسه کز بوسبوتون باشقه بر منظره قارشیشنده بولونیورسکز . یکی یاپیلیمش ، متعدد درس خانه لره تقسیم ایدلمش بر بنا ، نازک برمدیر ، صنفلرده تدریس آتله مشغول درت بش کنج معلم ، صوکره درین بر سکوت ایچنده چالیشان طلبه کورولویور .

بوجوجوقلردن لاعلی التعین هانکی برینه صوره کز سزه هر شیدن معلومات ویریور . هله ترکجه ده بونلردن بعضیسنک تورک چوجوقلردن بک ایلری کیده رک خطاسز قرائت و املا به موفق اولدقلرینی کورمک قلبده تقدیرله قاریشیق بر حسن تأثیر اوینادیور . ده اوتوده بش آلتی یاشلرنده قیز وارکک چوجوقلرینه مخصوص بر مکتب صبیان وارکه اوچ درت معلمک تحت تربیه سنده در . مکتبه الک صوک اصول تدریس تعقیب اولونیور . جمله سینه یکدنسق البسه کیدیرلمش اولان قیز وارکک چوجوقلر هر شی عقتنده اوینارکن کولرکن معلومات آلیورلر .

بوزیارتدن هم بمنون ، هم ده اسلام مکتبلرینک حالنی دوشونه رک محزون عودت ایتدم .